

ქ. რუსთავი

22 სექტემბერი 2014 წელი

ერთის მხრივ ქალაქ რუსთავის მუნიციპალიტეტი (შემდგომში „შესყიდველი“) წარმოდგენილი ქალაქ რუსთავის მუნიციპალიტეტის მერის პირველი მოადგილის მოვალეობის შემსრულებლის ნოდარ შეროზიას სახით და მეორეს მხრივ, შპს „არქმენი“ (შემდგომში „მიმწოდებელი“) წარმოდგენილი მისი დირექტორის თარაშ დაუშვილის სახით, სახელმწიფო შესყიდვების კანონის მე-10<sup>ე</sup> მუხლის მე-3 პუნქტის „ბ“ ქვეაუნქტის (გადაუდებელი აუცილებლობა) და ქალაქ რუსთავის მუნიციპალიტეტის მერის 2014 წლის 19 სექტემბრის ბრძანება №472 თანახმად დებენ წინამდებარე სახელმწიფო შესყიდვების შესახებ ხელშეკრულებას შემდეგზე:

### 1. ხელშეკრულებაში გამოყენებულ ტერმინთა განმარტება

- 1.1 „ხელშეკრულება სახელმწიფო შესყიდვების შესახებ“ (შემდგომში - „ხელშეკრულება“) - შესყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ჭველა დოკუმენტით.
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შესყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისთვის.
- 1.3 „დღე“, „ავირა“, „თვე“ - კალენდარული დღე, კვირა, თვე.
- 1.4 „შესყიდველი“ - ორგანიზაცია, რომელიც ახორციელებს შესყიდვას.
- 1.5 „მიმწოდებელი“ - პირი, რომელიც ახორციელებს მომსახურების გაწევას ხელშეკრულების ფარგლებში.
- 1.6 „მხარე“ - „შესყიდველი“ ან/და „მიმწოდებელი“.
- 1.7 „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.

### 2. ხელშეკრულების საგანი

- 2.1 ქალაქ რუსთავში რუსთაველის გამზ. №38 საცხოვრებელი კორპუსის ავარიული ლოჯიების სარეაბილიტაციო სამუშაოებისათვის საჭირო საპროექტო-სახარჯთაღრიცხვო დოკუმენტაციის დამზადება. (CPV 71300000)

### 3. ხელშეკრულების ღირებულება

- 3.1 ხელშეკრულების ღირებულება შეადგენს 305 (სამასხუთი) ლარს.
- 3.2 ხელშეკრულების საერთო ღირებულება მოიცავს „მიმწოდებლის“ მიერ ხელშეკრულებით გათვალისწინებული ვალდებულების შესრულებასთან დაკავშირებულ ყველა ხარჯსა და საქართველოს კანონმდებლობით გათვალისწინებულ გადასახადებს.

### 4. ანგარიშსწორების ფორმები და ვადები

- 4.1 „მიმწოდებელთან“ ანგარიშსწორება ხორციელდება უნალდო ანგარიშსწორების ფორმით ეროვნულ ვალუტაში.
- 4.2 ანგარიშსწორება მოხდება გაწეული მომსახურების დამადასტურებელი შესაბამისი მიღება-ჩაბარების აქტის და საგადასახადო ანგარიშ-ფაქტურის საფუძველზე.
- 4.3 ანგარიშსწორების ვადა: 4.2 პუნქტით გათვალისწინებული დოკუმენტაციის წარმოდგენიდან 20 სამუშაო დღე.
- 4.4 დაფინანსების წყარო: 2014 წლის ადგილობრივი ბიუჯეტი.

### 5. მიღება-ჩაბარების წესი

- 5.1 ხელშეკრულებით ნაკისრი ვალდებულების შესრულების შემდეგ მიმწოდებელი შესყიდველს წარუდგენს მიღება-ჩაბარების აქტს.
- 5.2 შესყიდველის მხრიდან მიღება-ჩაბარების აქტს ხელს აწერს ქალაქ რუსთავის მუნიციპალიტეტის მერიის ინფრასტრუქტურის, ტრანსპორტისა და კეთილმოწყობის სამსახურის უფროსი, ხოლო მიმწოდებლის მხრიდან შპს „არქმენი“-ს დირექტორი.
- 5.3 მიღება-ჩაბარების აქტში მითითებული უნდა იყოს:
  - ა) „მიმწოდებლის“ მიერ შესრულებული ვალდებულების აღწერა;
  - ბ) „მიმწოდებლის“ მიერ შესრულებული ვალდებულების ღირებულება.



## 6. მომსახურების ვადა და ადგილი

- 6.1 მომსახურების გაწევის ადგილად განისაზღვრება ქ. რუსთავი.
- 6.2 მომსახურების გაწევის ვადაა: ხელშეკრულების გაფორმებიდან არაუგვიანეს 3 (სამი) სამუშაო დღის განმავლობაში.

## 7. მხარეთა უფლება-მოვალეობანი

### 7.1 „შემსყიდველი“ უფლებამოსილია:

- ა) წებისმიერ დროს განახორციელოს „მიმწოდებლის“ მიერ ნაკისრი ვალდებულებების შესრულებისა და ხარისხის ინსპექტორება;
- ბ) არ ჩაითაროს რაოდენობრივად, ხარისხობრივად ან უფლებრივად ნაკლული მომსახურება.

### 7.2 შემსყიდველი ვალდებულია:

- ა) უზრუნველყოს „მიმწოდებლის“ მხრიდან ხელშეკრულების საგნით ნაკისრი, შესრულებული ვალდებულების ღირებულების ანაზღაურება, ხელშეკრულებით გათვალისწინებული ვადებისა და პირობების დაცვით;

### 7.3 მიმწოდებელი უფლებამოსილია

- ა) მოსთხოვოს შემსყიდველს ხელშეკრულების საგნით ნაკისრი, შესრულებული ვალდებულების ანაზღაურება ხელშეკრულებით გათვალისწინებული ვადებისა და პირობების დაცვით.

### 7.4 მიმწოდებელი ვალდებულია:

- ა) სრულად და ჯეროვად შეასრულოს ხელშეკრულებით ნაკისრი ვალდებულება.
- ბ) იმ შემთხვევაში, თუ რომელიმე პარამეტრი არ შეესაბამება შემსყიდველის მოთხოვნებს, საკუთარი სახსრებით აღმოფხვრას აღმოჩენილი ხარვეზი და წარმოადგინოს სრულყოფილი ვარიანტი.

### 7.5 მომსახურება გზეული უნდა იქნას საქართველოში დადგენილი შესაბამისი სამშენებლო ნორმებისა და წესების დაცვით, საქართველოს მთავრობის 2014 წლის 14 იანვრის N-55 დადგენილების გათვალისწინებით.

საპროექტო-სახარჯთაღრიცხვო დოკუმენტაციის უნდა შეიცავდეს:

- ა) განმარტებითი ბარათი;
- ბ) სამუშაოთა მოცულობების უწყისი;
- გ) მასალების ამონაცები;
- დ) ტექნიკური ნახაზები (ასევე ელ.ვერსიით PDF ფორმატში);
- ე) არსებული სიტუაციის ფოტომასალა (ფოფრული ფორმატით);
- ვ) შესასრულებელი სამუშაოების ხარჯთაღრიცხვები (ბეჭვდითი ვერსიით 4 პირად, ელ.ვერსია Excel ფორმატში);
- ზ) მომზადებული საპროექტო-სახარჯთაღრიცხვო დოკუმენტაციის საფუძველზე შესასრულებელი სამუშაოების სავარაუდო ვადები.

## 8. ხელშეკრულებით ნაკისრი ვალდებულებების შესრულების ინსპექტირება

### 8.1 ხელშეკრულებით ნაკისრი ვალდებულებების შესრულების ინსპექტირებას განახორციელებს ქალაქ რუსთავის მუნიციპალიტეტის მერიის ინფრასტრუქტურის, ტრანსპორტისა და კეთილმოწყობის სამსახური (წარმოდგნილი მისი უფროსის სახით).

### 8.2 ინსპექტირების გამწევის ფუნქციები:

- ა) „მიმწოდებლის“ მიერ ხელშეკრულებით ნაკისრი ვალდებულების სარისხსა და მიწოდების ვადების ხელშეკრულების მოთხოვნებთან შესაბამისობის დადგენის მიზნით, სათანადო კონტროლისა და ზედამხედველობის განხორციელება, მიღება-ჩაბარების აქტის გაფორმება.
- ბ) სახელმწიფო შემსყიდვის შესახებ ხელშეკრულების პირობების შესაბამისად „მიმწოდებელთან“ ანგარიშსწორების პროცესის რეგულირება.
- გ) „მიმწოდებლის“ მიერ ხელშეკრულებით ნაკისრი შესრულებული ვალდებულების ნაკლოვანებებს ინსპექტირების გამწევი აფიქსირებს ოქმით. დაფიქსირებული ხარვეზების გამოსწორება ხდება „მიმწოდებლის“ მიერ საკუთარი ხარჯებით.

### 8.3 „მიმწოდებლის“ მიერ ხელშეკრულებით ნაკისრი ვალდებულების შესრულებისას გამოვლენილი ყველა ხარვეზის ან წაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს“ საქართველოს კანონმდებლობით დადგნილი წესით.

## 9. პირგასამტებლო ხელშეკრულების პირობების შეუსრულებლობისათვის

### 9.1 ხელშეკრულებით ნაკისრი ვალდებულების შესრულების ვადის გადაცილების შემთხვევაში, მიმწოდებელს დაეკისრება პირგასამტებლო ყოველ ვადაგადაცილებულ დღეზე ხელშეკრულების შეუსრულებელი ვალდებულების 0,5% -ის ოდენობით.

### 9.2 იმ შემთხვევაში, თუ დაკისრებული პირგასამტებლოს ჯამური თანხა გადააჭარბებს ხელშეკრულების შეუსრულებელი ვალდებულების ღირებულების 5%-ს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტებლოს ანაზღაურება.

### 9.3 პირგასამტებლოს გადახდა არ ათავსისუფლებს მხარეს ძირითადი ვალდებულებების შესრულებისაგან.



10. ხელშეკრულებაში ცვლილებების შეტანა და ხელშეკრულების შეწყვეტა
- 10.1 ხელშეკრულებაში წებიმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 10.2 ხელშეკრულების პირობების, მათ შორის, ფასის შეცვლადაუშვებელია, თუამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 10.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი რდენობით.
- 10.4 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 10.5 მხარე ვალდებულია 10.4. პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.
- 10.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

## 11. დაუძლეველი ძალა

- 11.1 მხარეები თავისუფლდებან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შესახებ.
- 11.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მეორე მხარე არ გათავისუფლდება ნაკისრი ვალდებულებებისაგან.
- 11.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

## 12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არან მიმართონ სასამართლოს საქართველოს მოქმედი კანონმდებლობის შესაბამისად.

## 13. ხელშეკრულების მოქმედების ვადა

ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2014 წლის 31 დეკემბრის ჩათვლით.

### რეკვიზიტები

#### „შემსყიდველი“

ქალაქ რუსთავის მუნიციპალიტეტი  
მის: ქ. რუსთავი, მ.კოსტავას გამზირი №20  
საიდენტიფიკაციო კოდი №216433287  
სს „ლიბერთი ბანკი“  
ბ/კ № LBRTGE22  
ა/ა № GE78LB0125148543037000

ქალაქ რუსთავის მუნიციპალიტეტის მერის პირველი  
მოადგილის მოვალეობის შემსრულებელი



#### „მიმწოდებელი“

შპს „არქმშენი“  
მის: ქ. რუსთავი, თოდირიას ქ. №5ა  
საიდენტიფიკაციო კოდი № 416288476  
ს/ს „ლიბერთი ბანკი“  
ბ/კ № LBRTGE22  
ა/ა № GE82LB0113156510557000

შპს „არქმშენი“-ს დირექტორი



ინსპექტირებაზე პასუხისმგებელი პირი: გიორგი არჩვაძე

# საქართველო

ქალაქ რუსთავის მუნიციპალიტეტი  
მერია



GEORGIA  
RUSTAVI CITY MUNICIPALITY  
CITY HALL

№ 2942/17.09.2014.

ქალაქ რუსთავის მუნიციპალიტეტის

საკრებულოს თავმჯდომარეს

ბატონ დავით მაღლაკელიძეს

ბატონო დავით,

2014 წლის 29 აგვისტოს სხდომაზე ქალაქ რუსთავის საკრებულოს მიერ მიღებულ იქნა გადაწყვეტილება რუსთაველის გამზირზე N38-ე საცხოვრებელ კორპუსში ავარიული ლოჯების რეაბილიტაციისათვის თანხის გამოყოფის თაობაზე.

სიტუაციის სიმძიმისა და მნიშვნელობის გათვალისწინებით, ასევე, გადაუდებელი აუცილებლობიდან გამომდინარე, გთხოვთ, შეითანხმოთ საკითხი შესაბამისი საპროექტო-სახარჯთაღრიცხვო დოკუმენტაციის დამზადების მომსახურებისა და სამშენებლო სამუშაოების გამარტივებული შესყიდვით განხორციელებასთან დაკავშირებით, თანახმად სახელმწიფო შესყიდვების სააგენტოს თავმჯდომარის 2014 წლის 25 აგვისტოს N4 ბრძანების მე-3 მუხლის მე-2 პუნქტის „ბ“ ქვეპუნქტისა.

აქვე გაცნობებთ, საპროექტო-სახარჯთაღრიცხვო დოკუმენტაციის დამზადების მომსახურებას უზრუნველყოფს შპს „არქმშენი“, ღირებულება შეადგენს 305.00 ლარს; ხოლო უშუალოდ სამშენებლო სამუშაოების შემსრულებელი გამოვლინდება რამოდენიმე ორგანიზაციასთან მიმდინარე მოლაპარაკებების შედეგად.

დანართი: „2“ ფურცელი.


პატივისცემით,

გიორგი ტაბატაძე

30.09.2014

ქალაქ რუსთავის მუნიციპალიტეტის

მერის მოვალეობის შემსრულებელი





ქალაქ რუსთავის მუნიციპალიტეტის საკრებულო  
განკარგულება №72  
17 სექტემბერი 2014 წელი

ქალაქი რუსთავი

გამარტივებული შესყიდვის განხორციელებაზე  
თანხმობის მიცემის შესახებ

სახელმწიფო შესყიდვების სააგენტოს თავმჯდომარის 2014 წლის 25 აგვისტოს N4 ბრძანების მე-3 მუხლის მე-2 პუნქტის „ბ“ ქვეპუნქტის საფუძველზე და ქალაქ რუსთავის მუნიციპალიტეტის მერის მოვალეობის შემსრულებლის 2014 წლის 17 სექტემბრის N2942/1 წერილის გათვალისწინებით, ქალაქ რუსთავის მუნიციპალიტეტის საკრებულომ გადაწყვიტა:

1. გადაუდებელი აუცილებლობიდან გამომდინარე, მიეცეს თანხმობა ქალაქ რუსთავის მუნიციპალიტეტის მერს განახორციელოს რუსთაველის გამზირზე N38-ე საცხოვრებელი კორპუსის რეაბილიტაციის საპროექტო-სახარჯთაღრიცხვო დოკუმენტაციის დამზადების მომსახურებისა და სამშენებლო სამუშაოების გამარტივებული შესყიდვა.

2. განკარგულება ძალაშია გაცნობისთანავე.

3. განკარგულება შეიძლება გასაჩივრდეს ქალაქ რუსთავის საქალაქო სასამართლოში (რუსთავი, ბოსტან-ქალაქის ქუჩა №6) საქართველოს ადმინისტრაციული საპროცესო კოდექსის 22-ე მუხლის მესამე ნაწილით დადგენილი წესით, გაცნობიდან ერთი თვის ვადაში.

დავით მალლაკელიძე

საკრებულოს თავმჯდომარე





# საქართველო

ქალაქ რუსთავის მუნიციპალიტეტის მერის

## ბრძანება №472

2014 წლის 19 სექტემბერი



საქართველო, ქალაქი რუსთავი

### გამარტივებული შესყიდვის განხორციელების შესახებ

საქართველოს ორგანული კანონის „ადგილობრივი თვითმმართველობის კოდექსის“ მე-19 მუხლის „გ“ პუნქტის, 48-ე მუხლის პირველი პუნქტის, 61-ე მუხლის მე-3 პუნქტის „ა“ ქვეპუნქტის, „სახელმწიფო შესყიდვების შესახებ“ საქართველოს კანონის მე-10<sup>1</sup> მუხლის მე-3 პუნქტის „ბ“ ქვეპუნქტის შესაბამისად და „გამარტივებული შესყიდვების განხორციელებაზე თანხმობის მიცემის თაობაზე“ ქალაქ რუსთავის მუნიციპალიტეტის საკრებულოს თავმჯდომარის 17 სექტემბრის N72 განკარგულების გათვალისწინებით

### ვ ბ რ ძ ა ნ ე ბ :

1. გადაუდებელი აუცილებელობიდან გამომდინარე, განხორციელდეს რუსთაველის გამზირზე N38-ე საცხოვრებელი კორპუსის რეაბილიტაციის საპროექტო-სახარჯთაღრიცხვო დოკუმენტაციის დამზადების მომსახურების და სამშენებლო სამუშაოების გამარტივებული ფორმით შესყიდვა.
2. დაევალოს მერიის საფინანსო-საბიუჯეტო სამსახურს განახორციელოს კანონმდებლობით გათვალისწინებული ღონისძიებები.
3. ბრძანება ძალაშია გაცნობისთანავე.
4. ბრძანება შეიძლება გასაჩივრდეს რუსთავის საქალაქო სასამართლოში (რუსთავი, ბოსტანქალაქის ქუჩა №6) საქართველოს ადმინისტრაციული საპროცესო კოდექსის 22-ე მუხლის მესამე ნაწილით დადგენილი წესით, გაცნობიდან ერთი თვის ვადაში.

ქალაქ რუსთავის  
მუნიციპალიტეტის მერის მ/შ



გიორგი ტაბატაძე